

զօրէնս և զհաւատս մեր ջնջել. ուստի . . . ժողովեա՛ն զամե-
նայն եպիսկոպոսունսդ Հայոց աշխարհի, որ յԱղուանսն են, և
ի բանակ այսր հասիր: Զոր և արար կաթուղիկոսն. երկերիւր
եպիսկոպոսօք զնայր Տէր Յովսէփ ի բանակն Քրիստոնէից: Եկին
ի բանակն և վարդապետք և քահանայք և սարկաւազունք Աղ-
ուանից և ամենայն բազմութիւն ժողովրդեան:

. . . Եւ յայնժամ կարգադրեցաւ, զի ամենայն հոգեւորա-
կան Խաչ և Աւետարան առցին ի ձեռն: Եւ յայնժամ ամենայն
բանակն Խաչ և Աւետարան դարձան: Ապուստար այն ինչ դայր
ի վերայ Քրիստոնէից. Դաւիթ քսան հազարաւ հասանէր ի վե-
րայ այլազգեաց. իբրեւ ճակատ զճակատ հարան. ձայն բար-
ձին քահանայական դապքն միաբան և ասին, «Արի Տէր, օգ-
նեա՛ մեզ և փրկեա՛ զմեզ վասն անուան Քոյ»: Եւ յասելն
բանիս՝ զօրքն Քրիստոնէից յարձակեցան ի վերայ Պարսից և
հարին սատակեցին զօրս նոցա և զմնացեալսն ի փախուստ
դարձուցին անազին կոտորածով, մինչեւ արեամբ ներկեցին
դաշտս և զլերինս: Առին անթիւ գանձս ոսկւոյ և արծաթոյ, և
աւուրս հինգ ուր և հասին, կոտորեցին զայլազգիսն. իսկ մը-
նացեալքն մերկ և բոկոտն մազապուրծ փախեան յաշխարհն
իւրեանց:

Յետ այսր ամի՛ Դաւիթ պարգեւօք արձակեաց զկաթուղի-
կոսն և զեպիսկոպոսունս և զայլսն ամենայն յիւրեանց տեղիս՝
փառս տալով Աստուծոյ:

278, 279) Յօդ. ԶԻԳ. «Աղուանից հայրապետք մինչեւ ցայ-
սօր նստէին ի քաղաքն հայոց Պարտաւ, որ ասի Փայտակա-
րան. սահմանակից համատարած ծովուն (Կասպից): Եւ եղեւ ի
զօրանալն Պարսից՝ փոխեցաւ աթուռ հայրապետութեան ի Գան-
ձակ, որք հանդիպեցան այսմ մատենադրութեանս մերում կա-
թուղիկոսք Աղուանից՝ Տէր Յովհաննէս, և Տէր Գէորգ, Տէր Յով-
սէփ, Տէր Մարկոս եւ Տէր Ստեփաննոս, իսկ թագաւորք Աղուա-
նից՝ Գագիկ և Դաւիթ և Կորիկէ, որք նստէին այժմուս ի
Լօռէ քաղաք Հայոց: Էին և այլ թագաւորք Հայոց ի Դար-
բանդ աշխարհին՝ որ ասի Կապանք, սահմանակից Աղաց և
Աղուանից, որք էին թագաւորք անարատք եւ սրբակրօնք, որ